

QUÆ. RES. MIHI. MEISQUE. OLIM. BENE  
ATQUE. FELICITER. EVENIAT  
PRÆSIDE

D. O. M  
CONSENTIENTE  
RATIOSISSIMA. FACULTATE  
MEDICA

HANC  
DISPUTATIONEM. MEDICAM  
SOLENNEM

De  
STERILITATE  
UTRIUSQUE. SEXUS

IN  
INCLUTA. NORICORUM. ACADEMIA  
PRO  
SUMMIS. IN. ARTE. MEDICA. HONORIBUS. ET  
PRIVILEGIIS

DOCTORALIBUS

RITE. CAPESSENDIS  
QUINTO. CALENDAS. JULII  
clb. lbc LXXII.

P. P

JOHANNES. USLEBERUS  
ALTENBURGENSIS

---

ALTDORFFI

EX. OFFICINA. JOHANNIS. HENRICI. SCHÖNNERSTÆDT

Digitized by the Internet Archive  
in 2019 with funding from  
Wellcome Library

<https://archive.org/details/b30764099>



## Proœmium.

**S**terilitas quanto opprobrio olim apud priscos fuerit, quantave infamiâ steriles hinc inde apud varios affecti fuerint, de hoc historia utramq; nobis faciunt paginam, Sic de Romanis mulieribus refert Josephus Laurentius Lucensis, l. 5. Polymath. eas Lupercis februantibus occurrisse, ut ferulis ad concipiendum publicè verbarerentur. Imò ut idem, l. 6. p. 494. testatur, in funeribus fœcundis matronis honoratior vestis permissa erat, quàm sterilibus, idq; ex Turneb. advers. l. 23. c. 7. probat. Hinc etiam erat, quod sterilem vaccam plerumq; animabus mortuorum mactabant, ob summum scilicet odium, quò id, quod sterile erat, nullosq; fructus amplius proferebat, prosequerentur, eod. Laurentio teste loco cit. cùm tamen è contra à nubentibus tempore luctûs vacca pragnans immolata fuerit. vid. Plutarch. in Numâ, & cit. Laurent. l. 2. Polymath. dissert. 4. pag. 96. l. 3. de Nuptial. synopsi 15. pag. 263. Probrosa etiam olim Judæis fuit, hodièq; adhuc exosa est Tartaris, adeò, ut steriles ne quidem pro uxoribus habeant. Corinthis etiam olim, si Plutarcho credimus, tam odiosi fuere steriles, ut inruptos, nullosq; liberos generantes, nullo sepulchro dignos judicaverint. Hæc ergò & similia ignominiosa Romanae mulieres ut effugerent, idcirco Deæ Orbonæ aram quandam ad eadem Larium dicavêre, ut orbitatem evitarent, vid. Arnobius contra Gentes l. 4. variaq; alia excogitarunt media, quibus abominandam sterilitatem, hancq; subsequentes pœnas à se declinarent. Per hanc autem, cùm impediatur conceptus, fa-



cile totius speciei interitus exinde sequi posset. Dignus proinde hic est affectus, qui ventiletur, omniumq; affectuum muliebrium Medico cognitu maximè necessarius, ut sic animal, quod aliàs in individuo caducum est, per sæcundum coitum in specie perpetuetur. Sterilitatem igitur utriusq; sexus Tibi, B. L. consensu Nobilissimi Medicorum Ordinis loco Inauguralis thematis nunc sistimus, hancq; præceteris ex affectibus mulierum selegimus, cū, autore Theodoro Prisciano, nullum Medicorum studium sanctius extet, quàm quod circa prolem progignendam impenditur. Tu verò, DEUS alme, ut omnia feliciter cedant, placidus audi, conatusq; nostros felices esse benignè concede !





ΘΕΟC! ΘΕΟC!  
DISPUTATIONIS

DE

STERILITATE  
UTRIUSQUE SEXUS

SECTIO I.

De Sterilitate Virorum.

CAPUT I.

*Nominalem definitionem cum reali exhibet.*

**S**terilitatem natales suos Græcis debere, & dici *ἀπὸ τῆς στερείν*, orbare, privare, autor est *Becmannus in Orig. L. L.* Veteres à barbarâ voce *Stera*, quam pro Græca *ὑστερα* accipiebant, dixerunt, ut apud *Gerhard. Joh. Voss. l. 2. de vitiis serm. c. 50.* est videre: Aliis dicitur *σείρωσις*, aliis *σῆρωσις*, & *ἀτενία*, *ἀτοκία*, *ἀτοκεία*, *ἀγονία*, *ἀφοεία*, & *ἀγεννησία*: Latini per *impotentiam concipiendi & generandi*, per *infæcunditatem*, per *irritum complexum*, perq; *vanum concubitus* describunt. Sterilitatem autem varii variè accipiunt. Quidam enim sumunt *latè*, dum eam inanimatis etiam, v. g. agris, &c. attribuunt; alii *latè* sumunt, dum & viro, & foeminæ commune malum esse dicunt; alii *strictius*, dum soli mulieri attribuunt, quæ ultima acceptio respectu variarum causarum distinctionem admittit. Alia enim sterilis est à vitio naturali congenito; alia per collationem ad virum proprium; alia ob dispositionem morbosam; alia ad tempus tantum sterilis est, vel propter ætatem inconuenientem, aut tenellam constitutionem, & sexcenta alia; alia totaliter



sterilis est. Hisce præmissis, ad realem ipsam accedimus, & sterilitatem definimus, quòd sit *Impedita flamma vitalis à generante ad generandum in muliere concurrentis continuatio, dependens tam à vitiosâ vehiculi seminalis dispositione, quàm ab incommoda ejus in sinum, aruumq; deductione.* Mas enim non in se ipso, sed in foeminâ generat, hinc quando conceptionem abortus sequitur, sterilitas non habenda, nec conjugium sterile dicendum.

## CAPUT II.

### *Quod Subjectum considerat.*

**D**Uplex autem sterilitatis subjectum inprimis ponimus, *testes* sc. & *penem p. n. constitutos.* *Testes* ergò 1. quod attinet, duplici vitio sterilitatem nobis inducere videntur, quatenus scilicet ob defectum materiæ chylosæ, ex qua semen est elaborandum, non sufficiens semen producitur; vel quatenus ob multiplex testium vitium, horumvé vitiatum peculiare fermentum non ritè, neque foecundum semen elaboratur. Materia itaque hæc sanguinis adhuc crudior, chylosa, subdulcis & pinguis, quam *c. Barbato tr. de sero sanguinis, & Cornel. Consentino progymnasm. V. p. 176. & seqq.* veram seminis materiam esse credimus, ut naturaliter in nutrimentum partium spermaticarum impenditur, ita etiam eadem ipsa pars chylosa hinc inde secreta, varios humores, in specie lac in mammis, nutrimentum foetus in utero, & inprimis materiam seminis largitur. Hæc enim parte aquosâ diluta cum sanguine per arterias spermaticas, sive præparantes ad testes advehitur, ubi per arteriolas istas, quæ vascula seminaria amplexu suo firmissimè detinent, in cavitatem istorum vasculorum deponitur, & quasi transfudat, reliquo crassiore sanguine per venas remeante, parte verò aquosâ à vasis lymphaticis absorptâ. Huic materiæ deinde spiritus animales nonnulli permiscuntur, qui ipsi ultimam perfectionem addunt, ita, ut tum in testibus primum fuit aquea, & cinerea, post in Epididymidibus fiat crassa, & lactea, perq; deferentia, & sic porrò per penem tandem ejaculetur. Quod autem dicta materia chylosa sit materia seminis ex quâ, omnia ejus attributa confirmant, color scilicet ejus lacteus,



lacteus, consistentia chylosa, & materia subpinguis : unde & ad  
 morem pinguium semen inflatum spumescit, & in bullulas abit.  
 Quicquid ergò hanc materiam pinguem, chylosam absumere  
 aptum natum est, seminis defectum, & per consequens, sterilita-  
 tem inducere potest, de quibus capite sequenti nobis dicen-  
 dum erit. Quod verò non ritè aliquando semen elaboretur, mi-  
 nusque foecundum generetur, accidit, dum alio quodam affectu  
 testes laborant, v. g. tumoribus variis, inflammationibus, vel  
 quando planè nulli adsunt, vel ob vitiatum, & labefactatum eo-  
 rum fermentum, seminis elaborativum. Nam vasculis istis te-  
 stium seminariis peculiare inesse fermentum, sub dierum cursu  
 anno nempe ætatis 14. evigilans, satis confirmatur ex eo, quod  
 tam insignes in toto corpore sub annis pubertatis fiant altera-  
 tiones, quæ solùm fiunt, quatenus istud seminis fermentum suc-  
 cessivè sanguineam massam alterat, & quasi fermento inspirato  
 volatiliorem & spirituosiore eandem reddit, unde & ab iis  
 robur corporis, & singularis virium vigor, barbæ, & pubis eru-  
 ptio, vox gravior, & alia, tam foeminis, quàm viris, tunc com-  
 munia. Unde etiam fit, ut, *Hippocrate* teste, epilepsiæ puero-  
 rum desperatæ sub 14. annum spontè curentur, ob tam insignem  
 alterationem sanguinis. Eunuchi autem, testibus & per conse-  
 quens etiam hoc fermento carentes, effoeminati manent, quia  
 sanguis ab isto non potest mutari. De his mutationibus plu-  
 ra si desideras, adi sis *Regneri de Graaf. tr. curiosum de viro-  
 rum organis generationi inservientibus*, & *χαιρισάτω Μæbii Fun-  
 dam. Physiolog. cap. de partibus generationi dicatis in viris*. Fiunt  
 autem hæ mutationes ab isto fermento, dum sub puberta-  
 tis annos excitatum, sanguinem affluentem alterat, & similem  
 fermentativam vim tum ipsi, tum lymphæ ex testibus refluen-  
 tibus imprimit, unde tota alterata & fermentata ejus massa, per  
 flammam vitalem adauctam, totius corporis habitum similiter alte-  
 rat. Fermentum autem istud naturæ salinæ & spirituosæ est, unde,  
 quando istud torpet, minusque volatile est, tunc causa deficien-  
 tis seminis evadit. Præparari autem, & elaborari semen masculi-  
 num in eorum testibus, jam certum est, viderique potest de hoc  
*B. Mæb. l. c. p. 477*. Hi testes autem nil aliud sunt, quàm conge-  
 ries minutissimorum vasculorum, in quibus semen perficitur, uti  
 hoc



hoc *Fracassatus* Bononiæ primò , & postmodum etiam *citatus Graaf. l. c. p. 55.* In Belgio invenit; quorum vasculorum aliquot ex teste erumpentia variis suis flexibus corpus illud constituunt, quod testium dorso incumbit, & Epididymis appellatur, quod ipsum tandem delatum in vas deferens, in vesiculas seminales abit, unde semen in testibus elaboratum, perfectumque redditum in Epididymidibus, per canalem deferentem in vesiculas seminales deponitur, suo tempore concurrente mutua partium genitalium in *συνσεία* attritione excernendum, aut potius ex affluente sanguine calefactum, & spiritibus copiosis affluentibus turgidum, spumosumque cum impetu ejaculandum. Harum partium accuratam anatomiam invenies apud accuratum istum Anatomicum *Regnerum de Graaf. l. supra cit.* quem ad hæc conferre poteris. Et hæc de testiculis dicta sufficiant. Sequitur nunc *alterum Sterilitatis subjectum*, Penis scilicet vitiatus, læsa ejus erectio, & hinc oborta inepta, & abolita seminis effusio. Læditur autem hæc penis erectio, ad coitum tam necessaria, his duobus potissimum modis. ( 1. ) *quando deficit, & imminuta est,* ( 2. ) *quando depravatur*, dum penis non convenienti modo & figura turgescit, ob læsos musculos, ipsum aliàs erigentes, vel ob impeditum sanguinis arteriosi in corpuscula penis nervosa influxum, à quo dependet ejus erectio. Hi enim muscoli, dum retrahuntur, ab iis intumescuntibus comprimitur vena, per dorsum penis excurrent, ut ita sanguis per arterias in corpora penis nervosa effusus, eadem distendens non possit refluere, sed & ita à musculis his alligatus penis attollitur, imò & semen spirituosum vesiculas seminales turgescere facit. Non rarò etiam prorsus nullum semen effundi potest, ob carunculam urethræ infixam. Interdum etiam in coitu, agitato licet, & erecto membro virili, nullum tamen semen profilit, quod tamen post, membro flaccescente, in somno etiam invitis effluit, teste *Zac. Lusitano Medic. princip. hist. c. 3. hist. 14. Sic Vesling. in Epist. & obs. à Bartholino editis, Epist. 88. p. m. 150.* similem habet historiam, & rationem ibi addit hanc, quòd hæc in defectu spirituum animalium, semen ad turgescentiam non imprægnantium, & post in laxitate, & flacciditate tam vesicularum feminalium, quàm in specie musculorum penis sita sit. His enim ita constitutis, semen minus turgescens



per poros angustos, in pene erecto quodammodo compressos, non potest cum impetu solito excerni, & à musculis protrudi, quin potius concidente pene, & post quasi iterum reclusis istis meatibus semen aliquo modo turgidum spontè excidit. Interdum debitam suam figuram penis etiam non retinet, nec debito modo erigitur, sed ob varia vitia, v. g. ob calculum &c. contortus existit, quarum contorsionum rara exempla recenset *Heinricus ab Heer in observationibus suis oppidò raris, observ. 7.* Item *Sennertus l. 3. praxeos part. 9. sect. 1. cap. 9. p. 927.* Huc pertinet quoque conformationis quoddam vitium, quando vasa ad generationem necessaria vel deficiunt, vel saltem non rectum, aut minus convenientem situm obtinent: quorum innumera exempla nobis recenset Anatomia.

### C A P U T III.

#### *Premissorum causas immediatas & mediatas exhibet.*

**C**onsistit autem *immediata causa* sterilitatis virilis sive impeditæ flammæ vitalis continuationis (1.) in vitio testium, & inde ob vitiatum fermentum in læsâ seminis generatione. (2.) in depravata penis erectione, seminisque ejaculatione. Defectum ergò hunc seminis omne id causatur, quicquid hanc materiam seminis chylosam absumere potest, sive sit defectus alimentorum pinguium, optimè nutrientium, sive vita nimis laboriosa, sive vehementiores animi passionēs, in specie ira, ea omnia seminis materiam imminuunt. Sic etiam exercitia nimia, quatenus sanguinis fermentationem magis citam & acriorem reddunt, hoc ipso augent insensilem transpirationem, corpusque emaciant, & de nutrimento plurimum secum rapiunt extra corpus fuligines per poros exhalantes; quin & eo ipso chyli assimilationem accelerant, & hinc materiam pro seminis generatione suffurantur. Hinc etiam est, quòd pingues & corpulenti non semper semine abundant, quia iste chylus subdulcis nondum sanguini assimilatus, in pinguedinem abit, unde non potest semini in materiam cedere; sine Cerere enim & Baccho, ut vetus habet proverbium, friget Venus. *Vitiati fermenti* variæ etiam causæ

B

esse



esse possunt. Ita enim Veneris abusus præcipua, & princeps causa esse solet, siue nimis citò, siue in teneriori adhuc ætate adyta ejus adeas, siue nimis crebrò ejus sacra celebres, destrues, & hebetabis horum testium fermentum. Nam cum omne nimium naturæ inimicum sit, etiam à nimio Veneris abusu ista abhorret, sic enim à continuâ seminis elaboratione vis fermenti testium necessariò deficit, torpescit quasi, minusque volatile, aut activum permanet. Hinc tandem testes nimis flaccidi & laxi fiunt, eorumque tonus omninò destruitur, cum à copioso & continuo materiæ transitu viæ tandem ita patulæ fiant, ut post nil legitimè ibi possit contineri, transire, vel generari. Unde à tali testium tono læso non rarò fit, ut apertis inde & sanguineis vasculis purus putus dein sanguis in complexu venereo loco seminis emitatur, imprimis quando cantharidum usus præcesserit, potenter enim stimulant, & vesicæ sunt noxiæ. Mox etiam totum corpus languescit, quò minus nefandæ, aut dolosæ voluptati indulgendum sit: hæc enim sæpius reiteratâ testes relaxantur, eorum fermentum debilitatur, vesiculæque seminales insigniter relaxantur. Videri de hæc meretur *Timæus à Guldenkleee / in suis casibus*, qui talem refert, quendam justum exinde præmium deportasse, dum istâ contumacissimam gonorrhæam sibi contraxerit. Huc faciunt etiam ex rebus VI. non naturalibus, tanquam causis mediatis, aër frigidiusculus, qui ad hoc fermentum extinguendum multum confert. A frigore enim externo non solum testes, sed & totum corpus refrigeratur & mutatur. Hinc *Salmuth. C. 3. obs. 91.* scribit, quòd nempe milites per flumina ducti, si aquâ testes eorum nimium refrigerentur, quòd isti hoc ipso effoeminati reddantur. Sic etiam acetum, testibus applicatum, ebrietatem subito discutit. Idem præstat nitrum, etiam cum succo sempervivi mistum, & scroto applicatum. Imò sempervivi succus cum nitro, & aceto eodem modo applicatus hæmorrhagiam narium, à nimia sanguinis effervescentiâ, à causâ internâ obortam, sedat. Unde & maniacy, vinculis jam constringendi, aliis irritis optimè curantur castratione, sic enim impetus furoris refringitur. Notabilem hujus rei historiam exhibet nobis *Riverius obs. 32. à Fournio communicatarum*. Alimenta autem acida huc faciunt omnia, ut & ea, quæ propria qualitate sterilitatem inducere dicuntur



cuntur, v. g. cannabis, agnus castus, mentha, succinata, nymphæa, ossa sepia, antimonium diaphoreticum, & quæ hujus generis sunt alia, semen cum appetitu venereo simul extinguunt. Motus etiam & quies, ut & somnus & vigiliæ, si in defectu, vel excessu peccent, sterilitati anam dare possunt. Animi quoque moeror & consternatio, ut & frequens nimis & illicitum Veneris exercitium symbolam suam conferunt. Huc accedunt etiam, secundum *Nobilissimum, Excellentissimum, atq; Experientissimum* D. BRUNONEM, *Patronum ac Præceptorem meum atatem colendum in dogmat. Medicina general.* Medicamenta & Chirurgica præsidia, de quibus etiam quædam sunt monenda. Nimirum acida medicamenta omnia, sunt veneri inimica, quatenus destruunt volatilia spirituosæ, sicque ipsum dictum testium fermentum de naturâ salinâ spirituosæ participans; hinc est è contra, quod acria volatilia aromatica, & spirituosæ venerem excitent, qualia sunt v. g. piperata, spiritus sanguinis galli, cantharides &c. Quod autem acida venerem imminuant, confirmat historia ista notabilis, quam Ιατρικόν τῶν & *Langius*, Prof. olim Lipsiens. celeberrimus, in collegio suo in *Joh. Petr. Fabrum MSS.* nobis communicatam reliquit. Hic enim observavit in quodam, cui ex nimio usu spiritus vitrioli ritè præparati, dum singulis diebus quatuor gutt. sumsit, pro appetitu acquirendo, testes ita sensim imminuti sunt, ut instar pisorum tandem reddituri fuerint, cum tamen aliàs magnitudinis justæ, & naturalis erant. Quod postquam dein monitus intermisit, & cibis benè nutrientibus iterum nutritus fuit, denuò naturalem magnitudinem genitalia requisiverunt. Steriles proinde hunc spiritum fugiant, latet enim anguis in herba, impotentiores enim eos reddit, malumque adauget. Hinc quoque est, quod nitrum, & ipso proprio spiritu acido turgidulum, impetus venereos cohibeat, semenque imminuat. Hujus notabile exemplum citatus refert *Timæus l. 3. casu 52.* scil. quendam musicum, qui nullo modo venere satiari poterat, ob semen præter naturam acrius redditum, tam immoderatum fuisse, ut etiam per exigua horarum intervalla repetitis congressibus vix contentus esset. Hic tamen curatus tandem à dicto *Timæo* per diuturnum nitri, in aqua nymphææ soluti, usum. Propinavit scilicet istud bis in die, manè scilicet & vesperi,



ficque hujus usum per 30. dies circiter continuavit, tam felici  
 successu, ut adeo deferbuerit hic miser, ut post etiam soli uxori de-  
 mulcendæ vix sufficeret. Mercurialia etiam, siue mercurius vi-  
 vus his quoque accenseri debet: De hoc enim refert *Schenkius*  
*l. 4. obs.* quendam ad pediculos pubis fugandos linimento mercu-  
 riali usum esse, indeque factum, ut non tantum ineptus ad vene-  
 rem redditus, sed etiam stimulus veneris ei ablatus fuerit; dein  
 hoc ipso omisso mercurio, & oleo spicæ aromatico adhibito, &  
 pediculos necasse, & virtutem seminalem iterum recuperasse.  
 Læsas autem nunc penis erectiones quod attinet, ex iis primò  
 læsa ejus distensio sese nobis offert, quæ triplici ex causâ fit (1.)  
 scilicet, quando muscoli ejus paralyfi laborant, aut alio affectu,  
 contractionem impediante, ob nervorum spiritus ad animandas,  
 & movendas has fibras afferentium vitia, quando v. g. ex equi-  
 tatione nimia, ob compressos nimis musculos nimium defatigan-  
 tur, qualia exempla videri possunt apud *Fontanum. consil. 2.* Sic  
 casus in dorsum, & os sacrum, aut vicinas ejus partes, ut paraly-  
 sin aliorum locorum, ita & penis inferre solet. Exemplum ha-  
 bet *Hildanus C. 6. obs. 59.* ubi exin omnis penis erectio sublata  
 fuit, permanente etiamnum forti ad venerem stimulo, quatenus  
 nervi ad penem, ejusque musculos tendentes, aut compressione  
 aut laceratione, vel aliâ tandem ratione affecti fuere. Talem  
 erigendi impotentiam, ob similes causas à percussione capitis  
 etiam abortam c. l. invenies. (2.) Etiam deficit penis erectio ob  
 inopiam spirituum animalium, in istis musculis ad intensiorem  
 & erectionem necessariorum. Deficiunt autem ibi spiritus vel in  
 genere, ex defectu eorum universali, ut fit in morbidis, langui-  
 dis, aliisvè; vel in specie ex speciali in musculis his, & pene, quan-  
 do animus vel imiginatio circa aliud objectum occupantur,  
 istos aliorum avocant, vel in alias partes derivant, minusq; ad  
 penem amittunt. Hâc ratione & pudor sæpius erectionem penis  
 impedit, aut eam factam denuò tollit, dum spiritum aliò scilicet  
 deducunt. E contra meditatio, & animus pronus in res venereas  
 ad promptiorem erectionem disponit, quando spirituum iter eò  
 dirigit. Ex nimio ergò pudore, eoque intempestivo subinde fit, ut  
 noviter nupti se maleficiatos putent, cum tamen reverà non sint,  
 & ex solo pudore membri erectio impediatur, quo tandem dis-  
 cussio



cusso negotium dein alacrius succedit. His quoque annumerandi sunt ii, melancholiâ hypochondriaca qui laborant, hi enim ut aliàs variis phantasmatis affliguntur, ita & non rarò imaginatione propriâ decepti, impotentes sese existimant. Exempla suppeditant *cit. Salmuth. l. c. C. 2. observ. 78.* qui tales curato malo hypochondriaco curavit, ut spontè ad rem veneream dein regressi sint. Adde etiam *Sylvaticum in C. 4. consil. 4.* qui hanc describit, quod penis quidem hic distendatur, sed cùm ad opus deniq; propius accédant, flaccescat. Huc revocandus quoque erit deficiens veneris stimulus, à semine deficiente obortus. Interdum ob fascinum tantùm accidit *impotentia*, dum scilicet vulgò, uti fertur, sub ipso copulationis sacerdotalis puncto per ligulam innumeris nodulis constrictam, per seram clausam, aliisque ultra 50. etiam modis, non tutò semper propter abusum revelandis, ita sponsus à maleficis ligatur, ut post stimulantem licet naturâ, & erigente etiam se membro, tamen cùm sponsâ gaudia optata peragere nequeat, quin ubi propius accessû parat, subito concidit penis, adeò, ut cum alia, quâcunque etiam, facilè, & optimè venerem exercere possit; si verò ad suam redit, ardentissimo quidem in illo flagrat ardore, mentula autem torpida mox cornua contrahit. Ligaturam autem hanc multi pro fictitia habent, inter quos etiam est *Wierus de prestigiis Daemonum*; item *Borellus C. 4. observ. 65.* existimantque, quod perveniat tantùm ex animi affectibus, à nimio gaudio, pudore, metu, &c. aut solùm ex falsâ imaginatione, & hinc dependente spirituum animalium avocatione. Verius tamen contrarium asserit *Bartholinus C. 3. hist. Anat. vi.* Alii cum *Verulamio in sylva sylvarum*, *Helmontio & Marco Marci* hanc ligaturam, reliquosque ab incantationibus ortos affectû, soli imaginationi, sive ideis, ut isti loqui amant, ligantis adscribunt. Retorquetur etiam penis vitio præputii, si hoc angustum nimis sit, ut ob id glans commodè detegi, sicque membrum rectè sese extendere nequeat. An & astra per effluvia sua corpora in steriles nostros agant, eosque ad sterilitatem disponant, hîc quæritur? Sunt non pauci, qui affirmant, variis pervasi experimentis. Sic enim *Digby de immortalitate animæ*, mediante speculo combustorio radios solares in flammulam, & exin in pulverem rubrum subtilissimum concentravit, quo ipso pulvere dein



Lunam in aurum perfectissimū transmutare potuit. Ita alius Medicus Gallus radios lunæ plenæ per dictum speculum in materiam lactescentem, admodum frigidā, in spongia univit. Sed hæc cum non sint hujus loci, meritò aliis ventilanda relinquimus.

#### CAPUT IV.

##### *Signa diagnostica cum prognosticis recenset.*

**U**Tri autem conjugum causa sterilitatis insit, difficile est investigatu. Quæ enim alii cum urina avenæ, populo, vel lactucæ affundendâ, cum suffimigiis, vulvâ excipiendis, cum galbano, cum linimentis oculis inungendis, aliisque hîc instituunt, tanquam vana & ridicula rejicimus. Quid enim, amabo te, urina hic nobis indicare, vel continere potest, quod ad sterilitatem faciat? Rectius in omnium istorum signorum meliorem notitiam nos deducturæ sunt omnes istæ causæ, ob quas steriles fiunt, si in eas benè inquiremus: Primum ergò quod seminis defectum attinet, res clara est, & imprimis ex relatione ægri patet. Ex defectu materiæ si oritur, ex alimentorum inopiâ ortus est iste defectus. ex vitæ genere, exercitiis, diæta, aliisque. Si vitio testium & fermenti vitii adfit, tunc vel planè nullus vel exiguus admodum Veneris solet esse appetitus, corporis quædam gravitas, & pigrities adest. Fœcundum autem viri an sit semen, ex variis ejus attributis patet, scilicet quod crassum sit, spumofum, aliisque proprietatibus. Quando verò in coitu aliquid seminis emittitur, tenuius tamen, aquosius, minusque calidum, minus spumofum, aut minùs fervidū percipitur, infœcundum erit. Quod si autem causæ præcesserint, quæ testes labefactare valuere, res erit clarior, suspicioque faciliior. Non quidem lethalis seminis defectus est, sed molestus tantum, ob non ritè persolvendum debitum maritale. In senibus planè incurabilis, ut & in iis, qui in juventute nimis strenuâ veneri operam dedere, ob exhaustam flammam vitalem sive fermentum testiū non facilè corrigendum. Defectus testium etiam per se patet, nullâque arte emendari potest. Penis erectio si sit ab inopia spirituū, languor, & imbecillitas in corpore, ejusve actionibus aderunt: sin penis erigi nequeat, ab alio morbo causa dependebit, manebit flaccidum, & à nullo objecto moveri,



moveri, aut in figuram debitam erigi poterit. Si in actu venero spiritus aliô avocantur, variæ cogitationes & phantasmata nobis molesti erunt. Stimulus veneris deficiens ex ægri relatione patet. Ab incantatione autem si sit, homo ante ad venerem aptus fuit, suamque ardentissimè amat ante complexum, sed cum opus aggre-  
di cupit, odio sese habent, qui tamen deinde absentes raro amore se invicem iterum persequuntur, nunquam tamen coire possunt. Ad hæc maritus cum aliâ quâvis optimè coire potest, non æquè tamen cum suâ. Sterilitas tamen non tam individuo nocet, quàm speciei conservationi & propagationi : nisi quod isti aliquando tabem, ex gonorrhæa natam, inducere valeat læsa seminis generatio. Cæterum tales suprâ recensiti, maleficiati &c. tamdiu infœcundi erunt, quamdiu debitè coire nequeunt. Ut autem tædiosa, & molesta hæc impedimenta removeantur, debitis, iisque expertis opus habemus remediis, de quibus nunc sit

## CAPUT V.

### *Quod curationem annectit.*

**H**is ergò scopis ut satisfaciamus, omnis hæc curatio ad causas dirigenda, pro necessitate membra vel sunt roboranda, vel eorum temperies mutanda. Imprimis autem in semine augendo cautè procedamus, & nunquam sola stimulantia propinemus, sed semper sibi invicem maritata. Nam ubi venus stimulanda, ibi non aromaticis, venerem stimulantibus, feminique solam vim titillantem conciliantibus, dum suo sale volatili id acrius reddant, agendum, qualia sunt v. g. semen erucæ, sinapi, radices satyrionis, Zingiber viride condit. &c. sed etiam semen adaugentibus : aliàs sola stimulantia vix citra damnum ægri usurpantur. Talia autem semen provocantia sunt amygdalæ, pineæ, pistacæ &c. Imprimis verò hîc laudantur *Succolata*, nam singulare hoc confortativum est, semenq; genitale auget, & spirituosius reddit. Huic succedit Lac, & omnia ex ea parata remedia. In specie convenit lac muliebre, ex ipsâ mamillâ haustum. De hoc enim refert *Forestus in obs.* quod aliquando juvenis phthysicus curatus fuerit per ejus usum, quod mane & vesperi ex conductâ nutrice fugebat, unde factum, ut non tantum ipse restitutus fuerit à tabe, sed  
post



post etiam nutricem iterum imprægnaverit. Hoc enim lac mulierum ita in venerem armat, ut ei citra insignem virium jacturam operam dare queamus. Præ cæteris hic vitella ovorû, in vino generoso pota conducunt: vel ovum crudum recens conquassatum, & ita bibitum; his si addes grana aliquot ambræ, cubebæ, aliorumq; aromaticorû, in specie species diatrionpipereon, singularis erit mistura, quæ in venerem armabit, & semen augendo, & stimulo. Segnem hanc venerem mirè quoq; stimulant gallorum testes, de quo celeberrimum exemplum vide apud *Amatum Lusitanum*. Hinc sunt quidam, qui sarcimina ex cristis, & dictis gallorum testibus facta, hoc in casu mirum, quantum laudant. His etiam non cedit eorum *Uris*, indeque elicitus spiritus, mirè enim & hic *vis*, torpentemque vim feminalem restaurat. Non levis ac spiritus formicarum terrestrium cum aromaticis mistus, in aquâ magnanimitatis Laurenbergii, quæ & ipsa ad augendam vim seminis genetricem non parum confert. Hic quoque symbolum suum addit cervus, scilicet si ex eo colligatur sanguis, tunc temporis, dum in venerem hiât, qui ipse sanguis celebre remedium est hoc in passu. Fuit Princeps quidam, qui sanguinem, & testiculos dicti cervi pro singulari arcano venero habuit. Alii tamen potiùs commendant ejus priapum, dum in amore est excissum, hujus enim si 3.j. in ovo sorbili cum paucò vino generoso superbibito sumpseris, strenuè in castris veneris pugnabis. Nonnulli cornuum rasuram, in coitu derasam, mirè commendant in venere excitanda, quibus alias vis diaphoretica insignis adscribitur. De rasurâ cornu tauri idem alii promittunt. Secretum etiam hîc sunt remedium testiculi apri, & ex his tinctura parata, singularis enim est in sterilitate tam mulierum, quàm virorum, præsertim in horum impotentia. Singularia etiam hîc sunt fella animalium, quæ potenter sterilitatem emendant, cujus experimentum vide in *B. Theodori SCHENCKII, exerc. anatom. cap. de bile*. Pro arcenda quoque sterilitate virorum, serpentes conveniunt, & viperæ, crebrius commestæ. Sic de Duce quodam fertur ipsum gallos, serpentibus cibatos, sæpius pro alimentis assumpsisse, indeque fœcundum fuisse redditum. Ex formicis etiam balneum parari potest, cui nullum par in sterilitate ferè datur remedium. De ambrâ notum, quòd



quod spiritus reficiendo, quocunque etiam modo usurpata, venerem insigniter stimulet. Sive usurpes essentiam ejus, cum spiritu rosarum ambrato paratam, sive glandem eâ inunges. Voluptatem enim veneris majorem sic experiuntur foemine, graviorque fit amplexus. Mirè enim ab his suaveolentibus afficitur uterus, cavendum tamē, ne suaveolentia hæc ad nares pertingant, miserasque miserè exerceant. Notum etiam est de istâ specie Satyrionis, *Cynosorchis* dictâ, quòd duos bulbos alternatim nunc turgidos, nunc flaccidos habeat. Ex quibus turgidus insigniter semen augere & stimulare, flaccidus verò Venerem imminuere dicitur. Hinc ex turgido fit *essentia satyrionis D. Michaëlis, Crollii*, aliorumque, quæ egregiè hic suam præstant operam, eoque majorem si misceantur cum dictâ *magnaminitatis aqua*, spiritu formicarum, simulque aliquæ guttæ de spiritu sanguinis galli addantur. Eryngii virtutes venereas singulares describit *Forestus lib. 26. obs. 18*. Singularis enim hæc est planta in stimulanda venere, virtuteque genitali & roboranda, & excitanda, unde & *Mannstreu* dici meretur. Præprimis autem hic conveniunt sale volatili acri abundantia, quo fermentum testium acuere possint, qualia sunt aromata omnia, item castoreum &c. His succedit *lingua avis, semen anisi, nasturtii*, & plurima alia. Facit huc quoque *Electuarium ad coitum Ducis à Wallenstein*, item *morsuli veneri Pappenheimi, B. Doctoris Michaëlis, & Mynsichti*. Passerum quoque & sanguis, & cerebrum in actu venereo transfossorum fuere quoque stimulus venereus dicti Comitæ à Pappenheim. Non minores vires edit Borrax, saccharo permixtus, & cum pomo assato assumtus. Singulare etiam est *Electuarium Rulandi* in multis citato auctori expertum, & similia à Practicis proposita, quæ huc transferre non placuit. Externa quædam testibus etiam sunt applicanda: imprimis balsamus apoplecticus, scroto inungendus. Convenit etiam spiritus formicarum; vel fiat sequens linimentum, quod R.

*Zibethi gr. viij.*

*Moschi gr. vj.*

*Ambra gr. v.*

*Ol. destill. cariophil. gtt. viij.*

*Spica gtt. vj.*

C

*Ol. NM.*



*Ol. NM. express. q. s. ad incorporationem  
omnium, f. linimentum, testibus il-  
lendum.*

( 2. ) Ad contractionem penis externè balnea, & unctiões, ad paralyfin aliàs usitatæ, instituantur. Vel bulliant cubebæ in vino generoso, & applicentur testibus & locis vicinis, ut & cinanomum, in vino maceratum, egregiè conducit. Testes, ut & ipsum membrum inungantur cum succo ex ovis formicarum expresso, cui parum Zebethi addatur. Loco hujus cum dicto succo ol. de Castoreo, & ol. de piperibus, in specie ol. de still. caryophyllorum permisceatur, & ita partes blandè fovendæ sunt, & inungendæ. Aliàs in usu sunt ol. costi, macis, euphorbiæ. Balsamus veneris *Minsichti* egregius est, facit enim ad erectionem, & ad voluptatem perinæo, & radici penis inunctus: huic si addas oleum formicarum, præstantior erit. Balsamum apoplecticum *D. Mæbii*, *Michaëlis* ad usum hunc quoq; sunt vocanda, suaveolentiâ enim utriusque sexus voluptatem adauget. Singularissimum etiam est, si pulv. rad. pyrethri misceatur cum pinguedine coturnicis, eoque membrum inungatur, validam enim procurat arietationem. Elegans quoque hic est essentia, seu tinctura Castorii *D. Mæbii*, omniaque quæ ex formicis sunt parata. ( 3. ) Si malum à deficiente veneris stimulo sit, vel à spiritibus, aliorum advocatis, uti fit in hypochondriacis, aliisque, optimum remedium erunt plagæ, natibus infligendæ, quarum magnus usus ad labescentem venerem, de quo elegans iste tractatulus *Meibomii de usu flagrorum in re venerea cum notis Bartholini*, videatur; ubi recenset exemplum cujusdam, qui cum sua consuescere nō poterat, nisi prius ab ista virgis oppidò bene cæderetur, & quo magis ista eum cæderet, eò magis se strenuum bellatorem exhibebat. Posset etiam in his hypochondriacis cōtra phantasmata, periculū fieri, cum isto *Bartholeti in tr. de respiratione* pharmaco phantastico, ex semine *Daturæ*, cujus vi narcoticâ imaginationē, seu, ut alii volunt, ideas morbosas hominis pro lubitu, ad cōtrarium certum objectum per certa specifica, suæ intentioni respondentia, derivat, ut nempe hoc vel illud cogitet, v. g. huic nostro melancholico, qui impotentem falsò se esse credit, adderet dicto pharmaco phan-



co suo phantastico venerem stimulantia, quæ sc. contrarias ideas, seu phantasiâ ei imprimere valerent. Quod si verò (4.) ab incantatione malum sit, dentur primò vomitoria, quæ in tali casu à Practicis valdè commendantur. Hinc dentur morbo specifica. Ex his *Helmontius* succum betulinum, quem sauciati rami plorant, mictumque per scopas betulinas *in tract. de Lichiasi c. 8. §. 35.* non satis nobis laudare potest; experimentumque hic mictus quoq; est *Carichterî*, Botanici & Practici his in morbis exercitatissimi. Citatus etiâ *Helmont. loc. cit.* potum cerevisiæ betulinæ sponsis fascinatis, tanquam experimentum commendat. Aliàs *Hartmanni* indubitatum præsidium, & aliquoties, ut novi, probatum, est lotio pudendorum utriusq; sexus cum decocto aquilegiæ. Hoc factò fiat suffitus ex dente hominis mortui super carbones projecto, membro læso excipiendus. Qui sequenti fiat modo : R. dentes hominis demortui *num. iij.* (pro viro, ex capite viri demortui, & muliere, pro mulieribus,) minutim pulverisentur, hincq; R. duo lateres novi, qui candefacti per crucem disponantur in urnam, hinc affundatur spiritus vini Rhenani optimus, & super imponatur pulvis istorum dentium, fumusq; membro incantato tamdiu excipiatur, donec incipiat sudare, sudor cum linteo deorsum versus abstergetur, quo factò membrum inungatur asâ foetidâ, hinc involvatur linteo & in lectum æger sese componat. Quidam dictis his corallia, item viscum quercinum, hypericum, herbam & semen anthirri addunt, quorum compositionem videre potes *in Garsio de coralliis*. Repetitus hic pulvis sæpius probatus fuit in ligaturis virorum. Mercurius vivus in nuce avellana inclusus, colloque ita appensus, præservativum certum creditur, ne ligentur in copula Sacerdotali. Certior tamen est sacculus *D. Michaëlis*, appendendus antequam ad dictam copulam, sponsus & sponsa sese conferant. Aliis expertum etiam aliquando fuit, si quis emat lucium piscem masculum, eique per vim os aperiat, urinamque propriam immittat, hinc lucium vivum fluvio iterum committat, contra ejus cursum, dicentibus, subitò tunc evanescere malum, nisi jam inveteratum sit. Probatum quoque est, ut sponsus ante copulationem, aut post eam per anulum sponsalium mingat; Quo



irrito ꝛ. rasuram ejusdem annuli ex vino , quod singulare in hoc casu est. Aliàs tanquam secretum habetur rasura campanæ, ex eo scilicet loco derasa, ubi pistillum eam ferit, misceatur cum paucis croco, & paucis pulvere priapi cervini, & ita internè sumitur. Item urina, si per anulum cujusdam lapidis sepulchralis mittatur in cæmitorio, prodesse creditur, quidamque aliquando consilio cujusdam vetulæ ab incantatione hoc ipso curatus fuit. Quidam recipiunt ovum recens, coquunt cum urina propria, ad absorptionem medietatis, quo facto, urinam superstitem in flumen, secundum ejus cursum, effundunt, ovum verò in formicarum catervum ponunt, quo absumpto à formicis solutum etiam erit fascinum. Alii laudant abrotanum, momordicam, plantaginem acutam, sorbumque, origanum, antirrhinum, adiantum, radicem cavam, sereno die, & in optimo flore collecta. His non ignobiliora sunt viscum columnum, lignum quercinum, herba passionis Christi, ricinus &c. Specifica etiam sunt secundina primiparæ, calculus humanus, spiritus sambuci, tinctura coralliorum parata cum essentia hyperici, tinctura hyperici *Mynsichti*, & pulvis coralliorum. Expertum etiam est linimentum ex visco colurno &c. quod nobis describit *Henricus ab Heer loc. cit.* Stercus proprium loco dolenti impositum, vel solum, vel cum allio in vesica in fumo suspensum, mirè torquet maleficas; efficit enim, quòd veneficæ omnia assumpta stercus humanum, vel urinam sapiant, ita ut necesse habeant veneficium solvere. Plura ejusmodi sordida, hîc non addimus, præsertim quia præstantiora horum specifica, magno cuidam Medico Practico olim expertissimâ, jam recensuimus, licet nonnulla superstitione vix careant, fortè omittenda & proscribenda. Qui verò cupit, autores, qui de incantationibus scripserunt, consulat, imprimis *Carichterum*, qui de his omnium optimè scripsit, in *tr. von zauberischen Schäden*. De contorsionum penis curatione nunc (5.) pauca addo. In hac igitur si præputium angustum sit, sola sectione chirurgica, facili tamen, nec dolorosâ curatur, unicâ scilicet incisurâ incidendum est, interdum etiam per crucem. Vitetur tamen vena pudendi, seu vas præputium undique ambiens; cura hæc sine ullo erit periculo. His medicamentis exacta respondeat Diæta, quam brevif-



brevissimis annectimus. Aër eligatur temperatus. Alimenta assumantur optimi succi & alimenti, v.g. triticum, oryza &c. quæ ad semen generandum, & stimulandum faciunt. Galli etiam, imprimis eorum testiculi, passerres, columbæ, præsertim harum pulli, carnes animalium, mediâ ætate adhuc gaudentium, ac succo nutritio, præ cæteris abundantium comedantur: fumo indurata ob paucum nutrimentum residuum rejiciantur. Illis quoad addantur salia volatilia, præprimis oleosa, inter prandendum & cænandum simul assumenda. Pro potu eligatur liquor generosus. Quies & motus modum non excedant. Somnus longior, & in mollibus lectis; animus à curis gravioribus liber sit. Vigiliæ ne sint nimix, & ut alvus suum officium faciat, quotidie seriò procuret, omnesque tandem affectus vehementiores angue pejus fugiat æger. Et tantum de sterilitate virorum. Sequitur nunc

## SECTIO II.

# De Seterilitate Muliebri.

## C A P U T I.

*Pramissâ definitione subjectum ejus juxta veteres & neotericos examinat.*

**D**Escribimus autem eandem, quod sit: *Impedita flamma vitalis ex traductione concipienda continuatio, dependens à spirituum genitalium inflammatorum defectu, vel vitio partium genitalium muliebrium culpam sequente.* Subjectum autem sterilitatis muliebris communiter juxta veteres ponitur *uterus*, hîc enim nisi ritè sit constitutus, cum sibi adjunctis partibus, sterilitatem adesse dicunt. Imprimis rectè se habere debent *tubæ uteri* pro subjecto sterilitatis à recentioribus traditæ. Hæ enim elaboratius semen inflammabile continentes, nisi benè constitutæ sint, conceptionem impediunt, ut rectè docet *Speculatissimus* DN. DECANUS, *Nobilissimus, Excellentissimus, atq; Experientissimus* DN. D. MAUR. HOFFMANNUS, Præceptor atque Promotor meus honorandus, in *Synopsi Instit. Anatom. disp. 9. thes. 4.*



Nonnulli tamen conceptionem in tubis non semper fieri statuunt, sed tantum interdum, aut extraordinarie, frequentius autem in brutis, vocantq; tunc *conceptionem tubarum*, de qua videatur *Elsholzii de concept. tubar.* item *Ephemerides collegii curiosi Regii Anglici*. Anatomici verò moderni heri & nudi, tertius aliud subjectum sterilitatis ponunt, singularemque hic sovent opinionem, & *Ova muliebria* sterilitatis subjectum esse volunt. Laudanda enim industria *Stenonis*, qui ova hæc muliebria primum nobis detexit, quem plurimi secuti sunt alii, imprimis *Joh. van Horn / Anatom. Leydensis in prodromo observ. de part. genital. mulier. edendarum*; *Kerckeringius in Anthropogenia*; *Swammerdam. in nuper edita partium genitalium tabula*, & *Regnerus de Graaf in tract. de mulier. organ. generationi inservientibus*. Hi citati autores testes muliebres *Ovarium* esse ostendunt, similemque præstare usum atque ovarium oviparis. Autopsia scilicet iis detexit substantiam horum testium coagmentatam esse ex quamplurimis vesiculis, quarum quælibet peculiarem suam habet tunicam, neque cum alia cohæret, & repleta humore lacteo, ita, ut istæ vesiculæ sint quasi ovula in testibus contenta, humore scatentia, quas vesiculas *Vesalius* jam olim nobis descripsit. Hæc ovula in aquam ferventem si injeceris, in forma albuminis ovi in aqua fervente cocti videbis, uti in anatomia publica *Excellentiss. Dn. D. Bohn Lipsiæ*, & *Illustris Sylvius cum citato Graafio Lugduni Batavorum* in nosocomio ad oculum nobis demonstravere. Tale ergo Ovulum in coitu in uterum, vel tubam tantum delapsū à spiritu genitali attactu, afflatu, aut contagio spirituofo fecundatur, non secus ac à spiritu genitalis galli ova gallinæ fecundantur. Perfecta autē hæc sunt ova, licet vitello careant: Foetus enim viviparorum cum nutriantur in utero per placentā, quid, quæso, opus erit vitello? Consentit etiam cum hisce *Barthol. centur. i. histor. anatom. 92*. Horum autem ovulorum, si duo imprægnantur, fiunt gemelli, si plura, plures fiunt foetus, si unum post alterum fecundatur, fit superfoetatio. Prostant etiam aliquot exempla mulierum, ova parientium. Ejusmodi nobis recenset *Barthol. loc. cit.* Observatum etiam est, gallinam quandam ova intra se fovisse, & loco ovorum pullos vivos *num VI.* una vicē exclusisse, ut hoc ipsum cum morte gallinæ matris conjunctum fuerit,



rit, videantur, observ. Bartholini Cultro Anatom. Lyseri annexa  
Videntur ergò omnia ex ovo esse, exque eo omnia ge-  
nerari. Hinc Marc. Marci in tract. de Ideis operatricibus  
inquit: Subtilius rem pensitando, videbitur non minus plan-  
tarum, quam animalium genus ex ovo nasci, cum non minus in  
plantarum semine distinguere liceat partes, albumini & vitello,  
aut etiam grandini analogas: siquidem neq; in omnium animalium  
ovis inest differentia albi, & latei; Ita rectè à Rellio de Generat.  
sect. 5. p. 75. semina plantarum sui generis Ova dicuntur. Idem  
fit in piscibus oviparis, istud enim, quod nostri den Kogen  
appellant, nihil aliud est, quàm ovulorum congeries. Hæc ova  
materiam seminis muliebris continere, ipsæ fœminæ, ejus emissio-  
nem persentientes, testantur: & ulterius probari posset, hoc se-  
men iis inesse, ex furore uterino, nimiam seminis retentio-  
nem insequente: ut nihil addam de symptomatibus nimiam se-  
minis excretionem insequentibus, similibus virorum affecti-  
bus, videatur Velthufius de Generat. item Deusingius de Genesi mi-  
crocosmi pag. 15. & seqq. Plura de his omnibus vid. apud cit. Graaf-  
ium loc. cit. Spinosa autem hæc est Recentiorum doctrina, pluri-  
misque controversiis adhuc scatet, v. g. de viis, & quæ sunt  
aliæ, quas omnes citatus Graafius, lib. cit. remove conatur.  
Hæc igitur significasse de his ovulis sufficiant, & cum nova ad-  
huc sint, frequentiori, & repetitâ subinde Anatome confirmanda  
erunt. Nobis interim hæc posterior sententia admodum pro-  
babilis videtur, cum quoad ovorum existentiam res certa sit.  
Nihilominus sit, hæc omnia relinquo in medio, tanquam nova,  
nondumque ab omnibus recepta.

## C A P U T II.

### *In Causas inquirat immediatas & mediatas.*

**H**Ujus sterilitatis muliebris causæ tantum non sunt innume-  
ræ, & subinde inperscrutabiles. Ex parte viri quæ accidant  
mulieri, jam supra in sect. 1. sufficienter proposuimus. Ratione fœ-  
minæ verò fit sterilitas, si semen seu dicta hæc recentiorum ovula  
ob partium genitaliū cōformationis vitiū ritè excerni nequeant;  
vel si ob clausuram uteri, vaginæ, ob ulcus, vel colli ejusdem angus-  
tiam,



stiam, vel ob tenellam constitutionem, ob excedentem crassitiam membri, aut planè non, aut egrè recipiat, sicque concubitum aversetur. Oritur etiam, si ob tumores, excrescentias, aliaque virum admittere nequeat. Requiritur etiam mutua fœminæ cum viro proportio, & seminum similitudo. Steriles etiam fiunt, si spiritum genitalem ob uterum vel frigidum, aut humidum, vel calidiorem, vel mensium fluxum, & similia non retinent, licet bonum & fœcundum & moderatum, nec paucum. Hinc fœminæ crassæ ob defectum seminis plerumque sunt steriles. Materia enim quæ ad testes pro conficiendo semine adferri debebat, in nutrimentum corporis cedit, indeque seminis defectus. Copiosius si ejaculetur semen, & hoc causa sterilitatis esse potest, à frequentiori enim ejus effusione, testium, reliquarumque partium genitalium tonus læditur, sterilesque exiunt mulieres, ob læsum nempe uteri tonum, & internum ejus orificium nimis patulum, quod satis superque meretrices testantur. Hæ enim dum quotidie variis corpora sua venalia exponunt, ob tam varium receptum semen, indeque uteri læsum tonum steriles fiunt, cum nullum spiritum genitalem vasa amplius in se recipiant. Huc pertinet etiam semen nimis copiosum, dum temperamentum uteri mirè immutat. Hujus rei stupendum exemplum nobis dat in aurea sua *M.M. Clariss. CHRIST. HOFFMANNUS, Practicus Hallensis feliciss.* *Ἰατρὸς πολλῶν ἀνδρῶν ἑτέρων,* de mœcho quodam strenuo, qui tantâ seminis copiam excrevit, ut istam scortum excipere non potuerit, sed maximam ejus copiam in suppositum quoddam vasculum excipere coactum fuerit. Præterea uxor justæ sit ætatis, neq; adultioris, neq; tenerioris. Ab his causis dependet etiam sterilitas ista, quæ ad tempus tantum durat, & rarus conceptus, utut hic posterior ab aliis aliarum partium morbis, vel à vitiato in partu difficili utero etiam provenire possit. Recentiores hic sine dubio accusarent ista *ova* deficientia, vel potius *ovarium* & *oviductum* obstructa dicerent. Hoc vitium etiam potest esse ex parte utriusque vel absolutè, vel respectivè, dum mas cum hac fœmina generare nequeat, qui tamen cum alia optimè generat. Hæc autem certa proportio & harmonia qualis esse debeat, in quo consistat, & quomodo fiat, nullus explicat, de ea licet omnes unanimiter consentiant, & clamitent. In sexu  
autem



autem foeminino magis , quàm in masculino latere , ex eo patet , quod vitium in viro primum sit unicum , in semine scilicet positum , quod vitiatum generationi ineptum est ; nam membri vitia pleraque aut parum obsunt , aut facile à Medico corriguntur. Hoc infœcundum semen in viris facillimè ex coitu cognoscitur , qui si languidus , aut diutius cum tædio protractus sit , minus spirituosum semen , obque id defectum esse , innuit. Foeminæ contra , quæ hoc recipere , fovere , suumque symbolum hîc conferre debent , oppidò pluribus , & multivariis vitiis , testium scilicet , *Oviductus* , seu tubæ , vaginæ uteri , & reliquarum harum partium , imò totius corporis laborare , & per consequens conceptionem impedire possunt , utut maritus per se optimè sese habeat. Alia autem sterilitas accidit à vitio naturali , quæ corrigi non potest. Alia verò oritur à defectu materiæ seminalis , vel *ovulorum* , aut non genitorum , aut in uterum propter obstructos *oviductus* , non rejectorum , vel ad conceptionem ineptorum. Materia enim chylosa his si deficiat , nulla *ova uterina* progignuntur. Hinc nutrices lactantes rarius concipiunt , aut conceptum rarò retinent : macræ etiam & aridiores ob eandem causam minùs fœcundæ sunt , ut & nimis pingues , & excessivè tales , cum materia pro elaborandis his dictis *ovulis* in supplementum pinguedinis abeat. Huc pertinent quædam medicamenta , quæ vi specifica sterilitatem producant , v.g. mentha crispa , sabina , lingua cervina crispa , omniavè purgantia , præsertim Euphorbium , de quo singularem observationem vide *in observat. ab Heers , in observ. suis oppidò raris* : Reliqua propter metuendum abusum his addere supersedeo. *Fontanellæ* etiam uberius si fluant , aut ulcera inveterata , aut fistulæ nimis largæ si sint , cum massam sanguineam insigniter exhauriant , inter causas sterilitatis recenseri merentur. Denique uteri membranosi vitiata constitutio , nimis scilicet laxa , & flaccida , & ejus imprimis orificium internum nimis patulum insigniter ad sterilitatem disponit , quod videmus in mulieribus cachecticis , fluore albo , aut hæmorrhagiâ uteri nimiam laborantibus. In his enim dum ab excrementis pituitosis , & serosis uterus frigidus & humidus evadit , sterilescunt. Motus & quies excedentes conceptionem etiam impediunt ; somnus & vigiliæ non rite institutæ ,



instituta, spiritus dissipant, & sanguinem humoribus vitiosis implendo, nocent; menses suppressi, infœcundæ ut sint mulieres, in causa sunt, de quæ reliquis excernendis idem intelligendum esse volumus. Moderata tamen hæc sint, debitoque tempore, & loco instituenda. Cautus ergo hic sit Medicus, præsertim in instituenda venæsectione, ne quibusdam venis lectis malum adaugeat, sed Venerem & animi pathemata nimia, & frequentia fugienda esse, amicè moneat.

### CAPUT III.

#### *Signa perlustrat.*

**A**N vitium à mare, vel fœmina dependeat, an verò fœmina absolutè, an verò tantummodò respectivè sterilis sit, à posteriori perscrutari ferè videtur impossibile. Utriusque igitur conjugis natura consideranda, de quæ marita inquirendum, an in venerem prona sit, an semen in coitu excernat; aut, si hoc deficiat, an istud medicamentis ipsa imminuerit, an menstrua rectè se habeant, reliquæ ex ipsius ægræ relatione cognoscenda. Malum autem hoc, si à causis manifestis dependet, prognosis facile institui potest; si verò lateat, & ignota sit utriusque sexus proportio, ibi cautus sit medicus in prognosi, ne ludibrio hominum sese exponat, aut rixas excitet, amoremque conjugum turbet, in tali enim casu nil certi affirmare præstat.

### CAPUT IV.

#### *Cum curatione concludit.*

**P**Ræmissis, ubi opus, præmittendis, instituatur venæsectio, si scilicet à sanguinis copiâ sterilitas proveniat, vel obstructione &c. Hujus vicariæ possunt esse cucurbitulæ, hirudines, aliaque. His præsiidiis chirurgicis subjungenda ea, quæ supra in *sect. I. c. 5.* ad stimulamdam venerem viris commendavimus. Hinc danda ea, quæ per experientiam contra sterilitatem experta sunt, habitâ tamen simul ratione constitutionis, & craseos subjecti propriæ, imprimis videndum, an macra, an pinguis, an sana, an verò cachectica sit mulier. Præprimis ineatur cura, circa  
tempus



tempus mensium, ita quidem, ut ante menses præmittantur universalia, totum corpus respicientia. His verò remittentibus, continentur specifica utero appropriata, & eundem vulgò dicta roborantia, tam externa quam interna. Inter hæc facile princeps est lignum *sassafras*, quod singulariter ad sterilitatem Practici commendant, in specie, si ad cachexiam inclinaret mulier, aut sanguine nimis seroso turgeat. Hinc ex eo vina medicata, quæ *Hoeserus in Hercul. Med.* laudat, vel decocta, aut essentia fieri possunt, quæ egregiè hic proderunt. Hujus dicti ligni, essentiam, aut tincturam, si acies cum aromaticis, multi usus erit in sterilitate hac, vel à vitio seminis; vel uteri squalidi aborta. Tinctura coralliorum sassafrata egregiè etià hic est usus. *Hartmannus* tanquam experimentum commendat, salem satyrionis, si à  $\text{D}\beta$ . ad  $\text{D}\text{j}$ . in aqua vitæ mulierum alba, vel vino malvatico sumatur; sed aliud sibi proprium, expertissimumque reticet, quod fuere testiculi cervæ, ex quibus paravit suam essentiam contra sterilitatem, singularissimam hoc in casu. A multis, tam specificè internè, quàm externè commendatur Rosmarinus, imprimis si in balneis & fomentis uterinis usurpetur. Sic etià hujus decoctum tanquam expertum laudat *Lindanus in colleg. super Hartmanni prax. Chymiatr. MSS.* dicens: *Si sterilitas est à nimia caliditate, & siccitate sanguinis, hæc usu lactis optime corrigitur, si verò à nimia frigiditate, & humiditate, non melius, quàm per rorem marinum curari potest.* Testiculi apri, eorumque tinctura ad sterilitatem, & impotentiā singularissima sunt: Prodest etià sanguis ex cervo, dum in venerem hiat, collectus, huic calido adhuc admisce tragacanth.  $\text{℥}\text{ij}$ . NM. cariophyllor. cinam. ana  $\text{℥}\beta$ . camph. mosch. ambr. an.  $\text{D}\text{j}$ . hæc invicem in  $\text{f}$ . q. sanguinis calidi misc. & exinde formentur globuli, qui exsiccati, & in manu dextra detenti potenter ad venerem stimulant. Hujus cervi etià priapus iusto tempore excisus, pulverisatus, & cum vino testibus inunctus, egregius est. Spiritus secundinæ primiparæ, illius scilicet, quæ filium enixa est, hic singularis est. Uterus leporis, cervæ, ut & testiculi pulverisati ad impediendam sterilitatem, tanquam egregia commendantur, in specie fiat essentia ex secundinâ mulieris fœcundæ, & cum hisce dictis uteris, contra sterilitatem mulierum detur. Formicæ



vel



vel facculum ex appropriatis ventri imponunt. Tandem applicetur emplastrum perineo, & lumbis ex mastiche, cum gummi tacamahaca, &c. alutæ superinducendum, supraque uncturam imponendum. Uterus relaxatus adstringentibus corrigendus, v. g. rad. symph. bistortæ, foliis alchym. millefolii, pyrolæ, officulis mēspilorum &c. Si ex nimia obesitate orta sterilitas, conducent *Mynsichti* pilulæ contra sterilitatem, *ejusq. & Hartmanni* species huic oppositæ. Per magnetismum potest quoque hoc malum nostrum curari, dum scilicet magnes mumia, id est, spiritu vitali è corpore certo modo extracto, imprægnatus miscetur cum terrâ pingui, in quam semen plantæ, morbo appropriatæ, seminatur, & loturâ membri affecti totius corporis subindè irrigatur, unde postmodum, quantum planta propullulans accrescit, in tantum morbus decrescit; quodsi mumia imprægnans magnetem non sit ægra, sed sana, planta imprægnabitur spiritu vitali ejus, cujus fuit mumia, quo ipso singularia secreta fieri possunt, in specie philtrea naturalia, quorum exempla quædam vide *apud Turnheiserum* in suo herbario, sub *Meo*, &c. Probè tamen observandum, quòd eligendæ sint herbæ proposito aptæ, cum una quævis planta peculiare habeat dotes, & alio modo operetur spiritus in hac, alio in aliâ. Quò modò ergò per dictam transplantationem sterilitas nostra corrigi possit, vide *apud Tenceium in Med. Diastat.* Aliàs de hac videri merentur præprimis *Samuel Boulton in Med. Medico Magica, tamen Physica: Barthol. Cent. 3. hist. 66. & Cent. 6. histor. 53. Rhumelius, Riverius Cent. 3. obs. 7. Borellus Cent. 3. obs. 46.* præprimis verò *Helmont. tr. de magnetica valnerum curatione*, & plures alii. Reliqua quæ huc pertinent, jam recensuimus in sect. 1. præsertim cap. 5. quæ si non gravaberis, hisce poteris addere. *Dietam* denique quod attinet, aërem temperatum eligat, qui nec nimis calidus, nec nimis frigidus sit. Cibus, & potum eligat benè nutrientem, spirituosum, & laudabile semen suppeditantem, eumque temperatum. Glacie refrigeratum potum aversetur, calidumque non appetat. In somno, & vigiliis medium quæ tenuère, beatæ hic erunt. Motum violentum, quia spiritus dissipat, fugiat, ut & quietem excedentem. Hisce præmissis usurpandis, omnibusque impedimentis è medio sublatis, desiderium suum tandem expleat:



pleat: nunquam verò huc accedat, nisi mutuò, summoque ardore ardeant ; Quem variis blanditiis, aliisvè sibi conciliare poterunt: quò enim ardentiore ardebunt, eò felicius res cedit. Præsertim & hoc vitent, ne inviti quid faciant, aliàs vel irritus erit congressus, vel ejusmodi passionibus obnoxius erit foetus exinde procreandus. Curæ, ira, aliique animi affectus, hîc exulent omnes, ne ab hoc opere animum distrahant. Quibus peractis, quietæ sint, nec statim ab opere recedant. Et hæc sunt, quæ tibi B. L. de Sterilitate nunc dare potuimus, si fortassis non omnia ad palatum tuum dicta erunt, facilem tamen veniam nobis à Te pollicemur. *Sinamus enim, quemq; sibi scribere*, nobis verò hæc placuere, cum affectus mulierum sint curatu difficillimi. Valeas ergò, & si quid dictum, quod aures offendat tuas, ignoscas, *fat enim, teste Celsò l. 6. c. 18. difficile est in morbis mulierum explicandis, & pudorem, & artis præcepta simul observare.* Medicè enim, non Ethicè, hunc morbum tractare debuimus. Quod si benè tecum consideraveris, facilem, imò facillimam nobis veniam eris daturus. Vale, & hæc, quæ de benedictionis Divinæ Instrumentis juvandis attulimus, eo quo scripsimus, casto animo perlege.




\* \* \*

**M**Usæ canunt, lætantur,  
 Movatque divus Phœbus,  
 Tibique gratulatur,  
 Dum mox suprema dona  
 Nactus es laborum,  
 Nactus es virtutum,  
 Nactus es doctrinæ.  
 Hinc barbitum divinus


Apollo





*Hec pauca addebat Nobilissimo atq;  
Clarissimo DN. Candidato ani-  
mitus quævis prospera precans*

J. C. SEINSHEIMER.



\* \* \*
**D**Um merito quivis Tecum nunc gaudia  
summa  
 Concipit, atque libens gratatur pectore toto,  
 Dum nancisceris mox præmia summa laborū.  
 Me quoque delectat testari gaudia blandis  
 Vocibus. Idcirco venerandum in vota vocabo  
 Jovam, ut sit præstò flatu fortuna favente.

*Paucis huc Nobiliss. ac Clarissimo DN. Candi-  
dato, Amico suo longè charissimo gratu-  
lari voluit*

JUSTUS BRUININGK. Brem.

*Afferrem,*



**A** <sup>\*\*\*</sup>  
Efferrem, quodcunq; dedit mihi Musa, li-  
benter,

Nominis ut laudes, lætis ad sidera celsa  
Vocibus efferrem. Si non sub pondere tanto  
Corruerem, cum jam vires id ferre recusent.  
Excipient dignis Te præmia maxima honoris.  
Quæ Tibi doctrinâ, studio & virtute parâsti.  
Sed cum laude Tua resonant sacra templa Lycei,  
Non multum ingenium, & tenuis mea lingua  
valebit.

Opto hoc postremum, quo faustè singula fiant,  
Atq; Tibi quævis succedant amne secundo.

Sic Nobilissimo atque Clarissimo D.N.  
CANDIDATO, Amico suo suavif-  
simo, petitulo summos in Arte  
Medica Honores & privilegia Do-  
ctoralia, animitus gratulatur

MARTINUS PELLER Norib.

\*\*\*\*\*

Errata graviora ita restituenda sunt.

In præfem. l. 6. leg. verberarentur. pag. 6. l. 11. post arvumq; add.  
Naturæ. p. 8. lin. ante ult. 8. del. etiam. p. 12. l. 10. del. nunc. p. 17.  
l. ante ultim. 13. del. quoq; p. 21. in med. pro feterilitate leg. sterilitate.  
p. 23. lin. ante ult. 10. del. sit. p. 24. lin. 4. pro etiam leg. enim.

Reliqua leviora B. L. per se cognoscet, iisque pro humani-  
tate suâ facilè ignoscet.

FINIS.